

欽定四庫全書

子部

傳信適用方卷下



南京中醫藥大學圖書館版權所有

大定回春人壽

但作迎月一

治癰疽

張元華方

聞香

月

石斛 當歸

遠志 黃耆 甘草

巴戟 各壹

兩

傳信適用方

大定回春人壽

右為細末煉蜜圓如梧桐子大每服叁拾圓荊芥湯

下

萬靈圓治發背腫痛裏托定疼

羌活 薄荷葉 各叁兩 川芎 玄參 地榆 麻黃

去節 防風 天麻 吳白芷 白僵蠶 牛蒡子 炒

蔓荊子 旋覆花 荊芥穗 各貳兩 甘菊 叁兩 何首

烏 肆兩 大川烏 肆兩 甘草 肆兩 蟬退 去足半兩

右細末煉蜜為圓彈子大細嚼壹彈茶酒送下

沒藥圓治發背活經絡生肌肉

大川烏生 當歸 赤芍藥 蘇木剉炒 木鱉仁

五靈脂炒 羌活 獨活 穿山甲蛤粉炒脆 沒

藥 乳香別研各壹兩

右細末酒煮麵糊為圓如梧桐子大溫酒下叁拾圓

涼血護肌膏

南星生末捌兩 雄黃壹兩別研 白礬生末肆兩

右細勻用生地黃汁調塗四圍

萬靈膏

用淨鐺壹隻下清油捌兩婦人油髮壹兩炭火熬令
焦盡下側栢枝壹兩歷青壹兩卷栢壹兩太平白芷
壹兩當歸壹兩木鱉肉切片壹兩松枝香壹兩熬令
紫用楊柳枝不住手攪焦即判頭熬前藥紫色以綿
兩重濾去滓再熬油滾下白膠香壹兩次下沒藥壹
兩次下乳香壹兩並逐旋半錢徐下次下黃丹壹兩
剪刀草末壹兩慢火熬為膏滴成珠子就也用新汲

井水浸去火毒先以葱鹽湯洗瘡次用軟帛火炙攤上不得留孔貼之剪刀草乃田中野茨菰也

羚羊角散內消發背

穿山甲

肆兩蛤粉炒脆

甘草

炙當歸各貳兩

右為細末炮甘草根浸酒調下貳錢

瓜蒌散內消惡肉生好肉

黃耆

肆兩剉

皂角刺

剉兩紅者拍碎剉

甘草

陸兩

牛膝

貳兩

黃瓜蒌

拾箇剉

右用蜜壹斤旋入鐺內炒至紫色見風吹脆為末有
滓再炒為末酒調下貳錢

右方七道里人張元輔用之如神由此致富然
秘藏此方人莫傳者余少時目擊其事後凡叁
拾年始得之於章明叔蓋其徒云拙庵老人題
李溫如方一宗六道

李溫如八行家寶秘療發背藥方不以傳人其子秉彛
客於新吳大姓羅氏一日出謁偶忘封鎖書篋為諸生

竊取其方錄之東彛歸為之出涕蓋其父子以此方救人之死甚多深不欲傳也其用藥次第如後

初覺閤發時先服通關散

門氏載此藥治發背內潰及諸惡毒衝心嘔逆見信效方

萊豆末

貳錢乳香末

壹錢

右貳味和勻井花水調服微利為妙

次用藥試發瘡可治不可治

白礬

壹兩天南星

壹箇

右為末以冷水和勻傅腫處留出瘡口仍以筆畫泥

瘡暈若藥力勝則腫消皮皺此為易治若腫處皮急
暈開即難治

次服赤小豆

右用赤小豆半升不去皮生為末每用壹兩匙以冷
水調下連併服盡如未退再服半升取口鼻大便出
血為度服豆末時不可喫飯

次服四味散

石上薜荔

貳兩

地榆

壹兩

甘草節

壹兩

當歸

壹兩

右為末溫酒調下參錢

次服

膨脝葉

參岡穀刺葉
斤壹

右貳味旋採勿令婦人鷄犬見碓臼內舂爛每用壹
碗許以酒壹盞浸去滓溫服仍以藥滓菴瘡

次用欬瘡口生肌散

木香

檳榔

黃連

洗去
鬚

右參味等分淨器碾羅為末時以傅瘡若瘡潰爛傅

了更以常用膏藥或雲母膏貼定聽膿水自出若用
此藥傅後瘡口未便飲白及末輕粉各少許勻傅即
有速效

門資欽錄元立方一宗四道

壽州霍丘醫瘡人元立治瘡甚有聲元符己卯予侍先
子將漕江東舟次壽州予因累日食鷄卵數十枚恭得
咽喉腫塞及頸赤腫硬下連心胃如鐵石日夕號叫喉
中水米不通壅塞將死召醫者視之云此喉癰也泛泛

藥恐無益因言可招元立治之必愈先子夜遣介兩日
往還數百里召立至用藥數服得効報之頗厚立感激
予自傳治發背方四首皆累用有奇功今錄于下

治發背腦疽一切惡瘡當先用托裏藥使毒氣皆出一

醉膏

凡初覺發背癰疽等即多服用大黃甘草等藥極
踈轉以行道毒氣次用此藥

大甘草

半兩為
籠末

沒藥

壹分
研

瓜蒌

壹箇大
者去皮

右參物用無灰酒參升熬至壹升放溫頓服之如壹
服不盡分參兩服連服盡

次用收暈白玉膏

切忌用冷藥外貼必
通毒氣入內殺人

杏仁

貳拾壹粒
去皮尖研

川椒

肆拾玖粒
去目為末

清脂麻油壹酒臘

半兩
白者

右同熬至紫黑新綿濾過用無灰薄紙看瘡大小剪

作梳樣攤藥在上於瘡暈盡處向兩邊圍遶貼之候

暈漸收近裏即別剪差小者再攤藥圍貼暈又收即

又再移近裏貼仍頻換候暈已收見瘡根脚或瘡口

即用次方

專貼大惡瘡毒氣方盛不可以藥當上貼
恐趕散毒氣瘡益大此藥能收暈見瘡其

法大
妙

暈收見瘡次用檳榔散

鷄心檳榔

半兩

黃連

去鬚半兩

川山甲

大者拾片燒灰存性

右同為細末先用好臘茶清掃過瘡用藥厚傅瘡上

日叁伍次以膿出為知

如見瘡口後用此藥數次了可更用乳香膏

膿已出用生肌藥

黃狗腦蓋骨

貳兩燒灰存性此極難得須預收

膩粉

壹錢

桑白皮末

壹兩

右同為細末用生油調塗瘡上

以上四方是一宗元立自云少年時初得此方救十餘人後忽自病背瘡自信其藥乃以此四藥自治得愈袒背示子癰痕猶盈尺也予在汝州時梁縣吏人侯昱孝母病背瘡予用此治之愈

泰山石刻一宗七道

專治發背方神妙不可具言

右初覺或做瘡用牛皮膠熬令稀稠得所如藥花攤在毛頭紙上於初覺處或有做瘡處貼次用軟布帕

子貳條於釀米醋內煮令熟漉出互相於膠紙上乘

熱蒸熨不可令布帕冷

布帕貳條不可都齊漉出常留壹條在醋內煮候蒸熨得

壹條冷却於醋內取熟布蒸熨冷布却入醋內煮庶幾常得熟布替換熨蒸即易見効

若瘡痒時乃是藥攻其病須忍痒不住蒸熨直候膿

出將盡即濃煎貫衆湯候溫洗去膠紙次日後看瘡

中尚有膿出即是未効却再如前將膠紙鋪於瘡上

用熟醋布依舊蒸熨追令膿盡然後却用貫衆煎湯

如前洗去膠紙次日後依前更看若尚有膿又如前

法蒸熨雖連數日蒸熨不妨但要瘡中膿盡瘡成乾

拚為度然後用生肌紅玉散摻在瘡上即以萬金膏

貼每日壹上
或兩上

專治諸般惡瘡萬金膏

黃連 黃柏 黃芩 白及 白斂 龍骨 當

歸 厚朴 川芎 沒藥 槐枝 柳枝 鱉甲

苦參 香白芷 木鱉子 草烏頭 猪牙皂角

烏賊魚骨已上各壹分 乳香壹錢 黃丹壹兩 清麻油肆兩